

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA ISHIRINI NA MOJA

10 MEI, 2017



ORODHA YA SHUGHULI ZA LEO

MKUTANO WA SABA


KIKAO CHA ISHIRINI NA MOJA – TAREHE 10 MEI, 2017

I. DUA:

II. HATI ZA KUWASILISHA MEZANI:

WAZIRI WA MAJI NA UMWAGILIAJI:

Hotuba ya Makadirio ya Mapato na Matumizi ya Wizara ya Maji na Umwagiliaji kwa Mwaka wa Fedha 2017/2018.



MWENYEKITI WA KAMATI YA KILIMO, MIFUGO NA MAJI:

Taarifa ya Kamati ya Kilimo, Mifugo na Maji kuhusu utekelezaji wa majukumu ya Wizara ya Maji na Umwagiliaji kwa Mwaka wa Fedha 2016/2017 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2017/2018.

MSEMAJI MKUU WA KAMBI YA UPINZANI KUHUSU WIZARA YA MAJI NA UMWAGILIAJI:

Taarifa ya Msemaji Mkuu wa Kambi ya Upinzani kuhusu Wizara ya Maji na Umwagiliaji juu ya Makadirio ya Mapato na Matumizi ya Wizara hiyo kwa Mwaka wa Fedha 2017/2018.

III. MASWALI:

OFISI YA RAIS (TAMISEMI):

175. MHESHIMIWA JULIANA DANIEL SHONZA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Hospitali ya Vwawa Wilayani Mbozi inakabiliwa na changamoto kubwa ya uhaba wa vitanda vya kulalia Wajawazito pamoja na vile vya kujifungulia, pia wodi ya kinamama ni ndogo ikizingatiwa kuwa Hospitali hiyo inahudumia Wilaya ya Mbozi na Momba:-

Je, ni lini Serikali itajenga wodi kubwa ya kinamama yenye vifaa vya kutosha ili Wanawake hawa waondokane na adha ya kulala wawili wawili.

WIZARA YA MAJI NA UMWAGILIAJI:

176. MHESHIMIWA DEO KASENYENDA SANGA (MAKAMBAKO):

Atamuuliza Mheshimiwa Waziri wa Maji na Umwagiliaji:- Mwaka 2014 Rais wa Awamu ya Nne alipokuja Makambako aliahidi kutoa Sh. 600,000,000/= ili zisaidie kuboresha au kuchimba Bwawa la maji Makambako litakalotoa huduma ya maji kwa Wananchi wa Mji huo:-

- Je, ni lini fedha hizo zitatolewa ili zifanye kazi iliyokusudiwa.

177. MHESHIMIWA AZZA HILLAL HAMAD (VITI MAALUM):

Atamuuliza Mheshimiwa Waziri wa Maji na Umwagiliaji:-

Je, ni lini Serikali itakamilisha ahadi ya kuchimba Bwawa la Mradi wa Umwagiliaji wa Masengwa katika Halmashauri ya Wilaya ya Shinyanga.

WIZARA YA UJENZI, UCHUKUZI NA MAWASILIANO:

178. MHESHIMIWA GIBSON BLASIUS OLE - MEISEYEKI (ARUMERU MAGHARIBI):

Atamuuliza Mheshimiwa Waziri wa Ujenzi, Uchukuzi na Mawasiliano:- PPRA na TEMESA vimekuwa vyombo vinavyosababisha Halmashauri zetu hasara kubwa katika utekelezaji wa miradi na utengenezaji wa magari na mitambo badala ya kusaidia Serikali katika kutimiza majukumu yake kwa bei nafuu:-

Je, Serikali haioni kuwa sasa umefika wakati wa kuvifuta vyombo hivyo au kuvibadilishia utaratibu wake wa kufanya kazi ili viweze kuwa na tija kwa Taifa letu.

179. MHESHIMIWA HALIMA JAMES MDEE (KAWE):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara mpya ya Mwenge-Tegeta kwa kiwango fulani imesaidia kupunguza tatizo la foleni ingawa ina changamoto kadhaa kama; kukosekana kwa taa za kuongoza magari kunakosababisha ajali za mara kwa mara; nyakati za mvua barabara hujaa maji sababu ya udogo wa mapokeo na matoleo ya maji ya mvua hususan eneo la Makonde – Mbuyuni hali inayohatarisha uhai wa Wananchi na barabara yenyewe; kuna maeneo hatarishi

sana ambayo Serikali inatakiwa ama kuweka matuta au vivuko vya waenda kwa miguu ili kuzuia ajali, miongoni mwa maeneo hayo ni eneo la Bondeni (Jeshini Kata ya Mbezi Juu) karibu na njia panda ya kwenda Kawe:-

Je, ni lini changamoto hizi zitapatiwa ufumbuzi.

WIZARA YA ELIMU, SAYANSI NA TEKNOLOJIA:

180. MHESHIMIWA SHAABANI OMAR SHEKILINDI (LUSHOTO):

Atamuuliza Mheshimiwa Waziri wa Elimu, Sayansi na Teknolojia:- Serikali iliahidi kujenga Vyuo vya VETA kwa kila Wilaya ili kuwasaidia Vijana kujifunza stadi za kazi mbalimbali:-

Je, ni lini Chuo cha VETA kitajengwa katika Wilaya ya Lushoto.

181. MHESHIMIWA BONIVENTURA DESTERY KISWAGA (MAGU):

Atamuuliza Mheshimiwa Waziri wa Elimu, Sayansi na Teknolojia:- Serikali kwa sasa ina Sera ya Elimu bure kuanzia Chekechea hadi Kidato cha Nne:-


Je, Serikali ina mpango gani wa kutoa elimu bure kwa Kidato cha Tano na cha Sita.

WIZARA YA MALIASILI NA UTALII:

182. MHESHIMIWA RAISA ABDALLAH MUSSA (VITI MAALUM):

Atamuuliza Mheshimiwa Waziri wa Maliasili na Utalii:- Kutokana na umuhimu wa Mimitu hapa Nchini na kwa kuzingatia kuwa theluthi moja ya ardhi ya Tanzania ni mimitu; na kwa kuwa Serikali ina Chuo kimoja tu cha mimitu cha Olmotonyi ambacho sasa kinakaribia kufikisha karne moja tangu kianzishwe:-

Je, Serikali ina mpango gani wa kuanzisha Vyuo vingine vitakavyotoa taaluma zaidi ya mimitu kwa Watanzania.



183. MHESHIMIWA TASKA RESTITUTA MBOGO (VITI MAALUM):

Atamuuliza Mheshimiwa Waziri wa Maliasili na Utalii:- Mkoa wa Katavi ni miongoni mwa Mikoa ambayo ina vivutio vingi vya utalii kama vile Mbuga ya Katavi yenye wanyama wengi, kivutio cha pekee cha Twiga weupe ambao hawapatikani mahali pengine popote Duniani:-

Je, Serikali ina mpango gani wa kukitangaza kivutio hiki pekee cha Utalii.

WIZARA YA MAMBO YA NDANI YA NCHI:

184. MHESHIMIWA ELIAS JOHN KWANDIKWA (USHETU):

Atamuuliza Mheshimiwa Waziri wa Mambo ya Ndani ya Nchi:- Polisi wamekuwa wakifanya msako na kamatakamata ya waganga wa kienyeji sehemu nyingi hapa Nchini:-

(a) Je, ni waganga wangapi wa kienyeji walikamatwa katika Halmashauri ya Wilaya ya Ushetu;

(b) Je, ni Waganga wa kienyeji wangapi walifikishwa Mahakamani na kutiwa hatiani katika kipindi hicho katika Halmashauri ya Wilaya ya Ushetu.

IV. HOJA ZA SERIKALI:

WAZIRI WA MAJI NA UMWAGILIAJI:

Kwamba, Bunge sasa likubali kupitisha Makadirio ya Mapato na Matumizi ya Wizara ya Maji na Umwagiliaji kwa Mwaka wa Fedha 2017/2018.

V. UCHAGUZI WA WABUNGE WA BUNGE LA AFRIKA MASHARIKI (EALA):

**DODOMA
10 MEI, 2017**

**DKT. T. D. KASHILILAH
KATIBU WA BUNGE**